

News

1. Lán hōe--nih ê kàu-hák òah-tāng sī jú lâi jú chhia-iāⁿ. Ē-sái kóng sī chít sì-kè lóng ū pan teh chìn-hêng. Tī 2001 nî chiaⁿ gòeh chhe 6 tiàm Ko-hiông-chhī Tiong-chèng-lō Siā-kàu-kóan ê Kàu-su-hōe hōe-chí, kú-pān 2000 nî chhiu-kùi lāu-su-pan ê liân-háp pit-giáp tián-lé. Lâi-pin pēng-iú, siân-pái sian-chìn lóng lâi phâng-tiûⁿ, nāu-jiát kún-kún.Ū hák-ôan hoat-piáu thák-chheh sim-tek kap òah-tit lô-má-jī ê kám-sióng, mā ū lâng kóng chhiò-khoe lâi gī-niū. Hōe-āu tāi-ke thêh khí ka-kī ê pit-giáp chèng-su tī hōe-tiûⁿ hip-siōng chò kì-liām.
 2. Lán hōe Ông Siok-chhiu lāu-sū tī 2000 nî 12 gòeh chhe 6 tiàm Ko-hiông Hän-lâi Tōa-pñg-tiàm lâi kè cha-bô-kiáⁿ. Sin-niû sin-lông tī Bí-kok thák-chheh ê sî sèk-sâi, chín tòa tī Bí-kok, tèk-piát tñg-lâi chhiáⁿ-lâng-kheh. Chôan-tiûⁿ ê gî-sek lóng-êng Tân-gí chìn-hêng, hõ lâng kám-kak chin chhin-chhiat. Toh-téng ê phô-tô-chiú chin káng-kiù, kan-á téng ū sin-lông kap sin-niû ê bān-nî tiⁿ-bit ê siā-sín, kóng sī Bí-kok chin liû-hêng ê su-tái-luh. Chiú lim soah koh ē-sái kā kan-á chah tñg-khì chhù--nih chò kì-liām.
-